

Մոցիալական քաղաքականություն և զբաղվածություն**1. Աշխատանքի անվտանգություն, հիգիենա և առողջություն****Ներածություն**

Աշխատանքի անվտանգության, հիգիենայի և առողջության բնագավառում ՀՀ օրենսդրության դրույթները ընդհանուր բնույթ են կրում և հիմնականում չեն համապատասխանում ԵՄ օրենսդրությանը: Բացառություն են կազմում որոշ հասկացությունների սահմանումները՝ գործատու, աշխատող, աշխատողի առողջություն և անվտանգություն, ռադիոակտիվ թափոններ, իոնացնող ճառագայթում և այլն¹:

Աշխատանքի անվտանգության, հիգիենայի և առողջության բնագավառում ԵՄ օրենսդրությունը կարգավորում է աշխատավայրում առողջության և անվտանգության կազմակերպման նվազագույն պայմանները, գործատուի ու աշխատողի պարտականությունները, ինչպես նաև ապահովում է առողջության և անվտանգության կազմակերպման միջոցառումների կարգավորումը՝ ըստ աշխատավայրերի, վտանգավոր նյութերի, սարքավորումների տեսակների ու կիրառման և ըստ աշխատողների առանձին խոցելի խմբերի: Նշված խնդիրները Հայաստանի Հանրապետությունում կարգավորվում են Աշխատանքային օրենսգրքով², «Բնակչության զբաղվածության մասին»³, «Խաղաղ նպատակներով ատոմային էներգիայի անվտանգ օգտագործման մասին»⁴ ՀՀ օրենքներով և այլ նորմատիվ իրավական ակտերով, որոնք, սակայն, ամբողջապես չեն ընդգրկում ԵՄ օրենսդրության պահանջները:

Հիմք ընդունելով համեմատական վերլուծության արդյունքները՝ պետք է նշել, որ ՀՀ օրենսդրությունում բացակայում է աշխատողների անվտանգության և առողջության պահանջների պահպանման վերաբերյալ հստակ և մանրամասն սահմանված մեխանիզմներ, որոնց կարգավորումը Հայաստանում իրականացվում է միայն կոլեկտիվ պայմանագրերով կամ գործատուի մշակած իրավական ակտերով:

Մասնավորապես, ՀՀ օրենսդրությունում նախատեսված չէ այնպիսի հիմնահարցերի կարգավորումը, ինչպիսիք են աշխատավայրում վտանգավոր քաղցկեղածին և մուտագեն նյութերի ու արտահայտչական էկրաններով սարքավորումների հետ առնչվող աշխատողների պաշտպանությունը, պայթյունավտանգ միջավայրում և հանքարդյունահանող արդյունաբերությունում աշխատողների, ծանր ֆիզիկական աշխատանք կատարող ու շարժական կամ ժամանակավոր աշխատավայրում աշխատողների անվտանգության ու առողջության ապահովման նվազագույն պահանջները, ինչպես նաև աշխատավայրում անվտանգության և առողջության վերաբերյալ ցուցանակների առկայության պահանջները, որոնք եվրոպական օրենքներում ստացել են մանրակրկիտ կարգավորում:

Հայաստանի Հանրապետությունում աշխատանքի անվտանգության, հիգիենայի և առողջության բնագավառը հիմնականում կարգավորվում է Աշխատանքային օրենսգրքի ընդհանուր բնույթ կրող իրավական նորմերով, որոնք չեն երաշխավորում առաջացող իրավահարաբերությունների մանրակրկիտ կարգավորումը: Անհրաժեշտ է ընդունել այս բնագավառի կարգավորման հստակ չափանիշներ ներառող նորմատիվ իրավական ակտեր, որոնք հնարավորություն կտան բնագավառի պատասխանատու պետական մարմիններին օբյեկտիվորեն և համալիր կերպով պաշտպանելու աշխատողների և գործատուների շահերը:

Ծրագրի շրջանակներում նախատեսվում է մինչև 2009 թվականը «Աշխատանքի անվտանգություն, հիգիենա և առողջություն» ենթագլուխը ամբողջովին համապատասխանեցնել ԵՄ օրենսդրությանը սահմանված պահանջներին:

2006 թվական

Հայաստանի Հանրապետությունում աշխատանքի անվտանգության, հիգիենայի և առողջության բնագավառի իրավահարաբերությունների կարգավորման բացը լրացնելու, ինչպես նաև աշխատողների անվտանգության և առողջության ապահովման միջոցառումների բարելավման նպատակով ՀՀ աշխատանքային օրենսգրքում կկատարվեն համապատասխան փոփոխություններ և

¹ 1989թ. հունիսի 12-ի դիրեկտիվ թիվ 89/391՝ «Աշխատավայրում աշխատողների անվտանգության և առողջության ապահովման միջոցառումների բարելավումը խրախուսելու մասին», 2003թ. դեկտեմբերի 22-ի դիրեկտիվ թիվ 2003/122՝ «Բարձր ռադիոակտիվ և չվերահսկվող աղբյուրների ազդեցության կարգավորման մասին», 1996թ. մայիսի 13-ի դիրեկտիվ թիվ 96/29՝ «Իոնացնող ճառագայթների աղբյուրների վտանգներից՝ աշխատողների և հանրության պաշտպանության համար սահմանված հիմնական կանոնների և նորմերի մասին վերաբերյալ»:

² ՀՕ124, 09.11.2004թ.:

³ ՀՕ-93, 03.12.1996թ.:

⁴ ՀՕ-285, 01.02.1999թ.:

լրացումներ, ու կմշակվի «Աշխատավայրում աշխատողների անվտանգության և առողջության ապահովման միջոցառումների մասին» ՀՀ կառավարության որոշման նախագիծ՝ հիմք ընդունելով ԵՄ թիվ 89/391 դիրեկտիվի⁵ պահանջները, որն այս բնագավառի իրավական կարգավորման շրջանակները սահմանող հիմնական իրավական ակտն է: Վերոնշյալ դիրեկտիվի կիրառման համար նախատեսվում է ևս 10 դիրեկտիվների համապատասխանեցում, որոնց պահանջները ՀՀ օրենսդրությունում հիմնականում բացակայում են: Այդ ակտերը ապահովում են առողջության և անվտանգության կազմակերպման միջոցառումների կարգավորում՝ ըստ աշխատավայրերի, սարքավորումների տեսակների ու կիրառման և ըստ աշխատողների խոցելի խմբերի:

Մասնավորապես, շարժական կամ ժամանակավոր աշխատավայրերում աշխատողների, հղի և փոքր երեխա ունեցող կամ կրծքով կերակրող կանանց աշխատանքի, ծանր ֆիզիկական աշխատանք կատարող աշխատողների անվտանգության և առողջության նվազագույն պահանջները սահմանելու նպատակով կմշակվեն համապատասխան իրավական ակտերի նախագիծեր՝ համապատասխանաբար հիմք ընդունելով ԵՄ իրավական ակտերը՝ թիվ 92/57, 92/85, 90/269⁶:

2007 թվական

Աշխատավայրում աշխատողների անվտանգության և առողջության վերաբերյալ ցուցանակների առկայության և նրանց կողմից օգտագործվող անհատական պաշտպանության միջոցների կիրառման, պայթյունավտանգ միջավայրում աշխատողների, աշխատավայրում արտահայտչական էկրանների և աշխատանքային սարքավորումների հետ առնչվող աշխատողների, վերգետնյա, ստորգետնյա, ինչպես նաև գալիկոնային եղանակով արդյունահանող հանքարդյունաբերության աշխատողների անվտանգության և առողջության նվազագույն պահանջները սահմանելու նպատակով կմշակվեն համապատասխան իրավական ակտերի նախագիծեր՝ համապատասխանաբար հիմք ընդունելով ԵՄ իրավական ակտերը՝ թիվ 89/656, 89/655, 90/270, 92/58, 1999/92, 92/91 և 92/104 դիրեկտիվները⁷:

Աշխատանքի անվտանգության, հիգիենայի և առողջության բնագավառում ՀՀ օրենսդրության համապատասխանեցման գործընթացի նպատակն է աշխատավայրում վտանգավոր նյութերի, ինչպես նաև աղմուկի հետ առնչվող աշխատողների առողջության և անվտանգության պաշտպանությունն ու վտանգավոր նյութերի առկայության դեպքում հնարավոր դժբախտ պատահարների կանխարգելումը և վերահսկումը:

Այս նպատակով կմշակվեն չորս ենթաօրենսդրական ակտեր՝ «Աշխատավայրում վտանգավոր նյութերի առկայության դեպքում հնարավոր վթարների կանխարգելման վերահսկման մասին» ՀՀ կառավարության որոշման նախագիծ, «Աշխատավայրում աղմուկի առկայության դեպքում, աշխատողների անվտանգության և առողջության ապահովման նվազագույն պահանջները սահմանելու մասին» համապատասխան իրավական ակտի նախագիծ, «Զիմիական նյութերի և սաբեստի ազդեցությունից աշխատողների պաշտպանության և անվտանգության ապահովման նվազագույն պահանջները սահմանելու մասին» համապատասխան իրավական ակտի նախագիծ հիմք ընդունելով համապատասխան ԵՄ դիրեկտիվների⁸ պահանջները:

⁵ 1989թ. հունիսի 12-ի դիրեկտիվ թիվ 89/391՝ «Աշխատավայրում աշխատողների անվտանգության և առողջության ապահովման միջոցառումների բարելավումը խրախուսելու մասին»:

⁶ 1992թ. հունիսի 24-ի դիրեկտիվ թիվ 92/57 «Շարժական կամ ժամանակավոր աշխատավայրերում աշխատողների անվտանգության և առողջության ապահովման նվազագույն պահանջների մասին», 1992թ. հոկտեմբերի 19-ի դիրեկտիվ թիվ 92/85՝ «Հղի և փոքր երեխա ունեցող կամ կրծքով կերակրող կանանց աշխատավայրում անվտանգության և առողջության ապահովման պահանջների բարելավումը խրախուսելու մասին», 1990թ. մայիսի 29-ի դիրեկտիվ թիվ 90/269՝ «Ծանր ֆիզիկական աշխատանք կատարող աշխատողների մեջքի վնասման ռիսկի առկայության դեպքում նախատեսված անվտանգության և առողջության ապահովման նվազագույն պահանջների մասին»:

⁷ 1989թ. նոյեմբերի 30-ի դիրեկտիվ թիվ 89/656՝ «Աշխատավայրում անվտանգության և առողջության ապահովման նվազագույն պահանջների կիրառումը աշխատողների կողմից օգտագործվող անհատական պաշտպանության միջոցների վերաբերյալ», 1989թ. նոյեմբերի 30-ի դիրեկտիվ թիվ 89/655՝ «Աշխատանքային սարքավորումների հետ առնչվող աշխատողների անվտանգության և առողջության ապահովման նվազագույն պահանջների մասին», 1990թ. մայիսի 29-ի դիրեկտիվ թիվ 90/270՝ «Աշխատավայրում արտահայտչական էկրաններով սարքավորումների հետ առնչվող աշխատողների անվտանգության և առողջության ապահովման նվազագույն պահանջների մասին», 1992թ. հունիսի 24-ի դիրեկտիվ թիվ 92/58՝ «Աշխատավայրում անվտանգության և առողջության վերաբերյալ ցուցանակների առկայության նվազագույն պահանջների մասին», 1992թ. դեկտեմբերի 16-ի դիրեկտիվ թիվ 1999/92՝ «Պայթյունավտանգ միջավայրում աշխատողների անվտանգության և առողջության ապահովման նվազագույն պահանջների մասին», 1992թ. նոյեմբերի 3-ի դիրեկտիվ թիվ 92/91՝ «Գալիկոնային եղանակով հանքարդյունահանող արդյունաբերության աշխատողների անվտանգության և առողջության նվազագույն պահանջներ սահմանելու մասին», 1992թ. դեկտեմբերի 3-ի դիրեկտիվ թիվ 92/104՝ «Վերգետնյա և ստորգետնյա հանքարդյունահանող արդյունաբերության աշխատողների անվտանգության և առողջության նվազագույն պահանջներ սահմանելու մասին»:

⁸ 1996թ. դեկտեմբերի 9-ի դիրեկտիվ թիվ 96/82՝ «Աշխատավայրում վտանգավոր նյութերի առկայության դեպքում հնարավոր վթարների կանխարգելման և վերահսկման մասին», 2003թ. փետրվարի 6-ի դիրեկտիվ թիվ 2003/10՝ «Աշխատավայրում աղմուկի առկայության դեպքում, աշխատողների անվտանգության և առողջության ապահովման նվազագույն պահանջների մասին», 1998թ. ապրիլի 7-ի դիրեկտիվ թիվ 98/24՝ «Աշխատողների պաշտպանությունը և անվտանգության ապահովումը քիմիական

2008 թվական

Հայաստանի Հանրապետությունում երիտասարդների աշխատանքի պաշտպանության իրավական կարգավորման մեխանիզմների կատարելագործման համար կմշակվի «ՀՀ աշխատանքային օրենսգրքում փոփոխություններ և լրացումներ կատարելու մասին» ՀՀ օրենքի նախագիծ՝ հիմք ընդունելով ԵՄ թիվ 94/33 դիրեկտիվը⁹:

ԵՄ համապատասխան դիրեկտիվի հիման վրա կմշակվի «Աշխատավայրում վտանգավոր քաղցկեղածին և փոփոխածին նյութերի հետ առնչվող աշխատողների պաշտպանության նվազագույն պահանջները սահմանելու մասին» համապատասխան¹⁰:

Աշխատանքի անվտանգության, հիգիենայի և առողջության բնագավառում ՀՀ օրենսդրության համապատասխանեցման հիմնական նպատակը հստակ և մանրամասն իրավական կարգավորման մեխանիզմների սահմանման միջոցով իրականացնող ճառագայթների, բարձր ռադիոակտիվ և չվերահսկվող աղբյուրների վտանգներից աշխատողների և հանրության պաշտպանությունն է: Այս ուղղությամբ նախատեսվում է իրականացնող ճառագայթների աղբյուրների վտանգներից աշխատողների և հանրության պաշտպանության մասին օրենքի, քիմիական, կենսաբանական և ֆիզիկական նյութերից աշխատողների պաշտպանության և նշված նյութերի սահմանային քանակները սահմանելու մասին ու բարձր ռադիոակտիվ և չվերահսկվող աղբյուրների ազդեցության կարգավորման մասին ՀՀ կառավարության որոշման նախագծերի մշակում՝ հիմք ընդունելով ԵՄ թիվ 96/29, 90/641, և 91/32 դիրեկտիվները¹¹:

2009 թվական

Բարձր ռադիոակտիվ և չվերահսկվող աղբյուրների ազդեցության կարգավորման մասին, 2009 թվականի 1-ին եռամսյակի ընթացքում կմշակվի համապատասխան իրավական ակտի նախագիծ՝ հիմք ընդունելով ԵՄ թիվ 2003/122 դիրեկտիվը¹²:

նյութերի ազդեցությունից» 1983թ. սեպտեմբերի 19-ի դիրեկտիվ թիվ 83/477՝ «Աշխատավայրում ազդեցություն առնչվող աշխատողների պաշտպանության մասին»:

⁹ 1994թ. հունիսի 22-ի դիրեկտիվ թիվ 94/33՝ «Երիտասարդ աշխատողների իրավունքների պաշտպանության մասին»:

¹⁰ 2004թ. ապրիլի 29-ի դիրեկտիվ թիվ 2004/37՝ «Աշխատավայրում վտանգավոր քաղցկեղածին և փոփոխածին (մուտագեն)»:

նյութերի հետ առնչվող աշխատողների պաշտպանության մասին»:

¹¹ 1996թ. մայիսի 13-ի դիրեկտիվ թիվ 96/29՝ «Իրականացնող ճառագայթների աղբյուրների վտանգներից՝ աշխատողների և հանրության պաշտպանության համար սահմանված հիմնական կանոնների և նորմերի մասին», 1990թ. դեկտեմբերի 4-ի դիրեկտիվ թիվ 90/641՝ «Իրականացնող ճառագայթման վերահսկման տարածքում աշխատողների պաշտպանության մասին» և 1991թ. մայիսի 29-ի դիրեկտիվ թիվ 91/322՝ «Քիմիական, կենսաբանական և ֆիզիկական նյութերից աշխատողների պաշտպանության և նշված նյութերի սահմանային քանակները սահմանելու մասին»:

¹² 2003թ. դեկտեմբերի 22-ի դիրեկտիվ թիվ 2003/122՝ «Բարձր ռադիոակտիվ և չվերահսկվող աղբյուրների ազդեցության կարգավորման մասին»:

1.1. Օրենսդրական համապատասխանեցում

0	1	2	3	4	5	6
NN ը/կ	Սիջոցառում	ԵՄ իրավական աղբյուր	Պատասխանատու մարմին	Նեկայացման ժամկետ	Անհրաժեշտ ռեսուրսներ (մարդ/օր)	Տեխնիկական աջակցություն
			<i>2006</i>			
1.	<ul style="list-style-type: none"> ՀՀ աշխատանքային օրենսգրքում փոփոխություններ և լրացումներ կատարելու մասին օրենքի նախագծի մշակում «Աշխատավայրում աշխատողների անվտանգության և առողջության ապահովման միջոցառումների մասին» ՀՀ կառավարության որոշման նախագծի մշակում 	1989թ. հունիսի 12-ի «Աշխատավայրում աշխատողների անվտանգության և առողջության ապահովման միջոցառումների բարելավումը խրախուսելու մասին» թիվ 89/391 դիրեկտիվ	ՀՀ աշխատանքի և սոցիալական հարցերի նախարարություն (ՀՀ արդարադատության նախարարության մասնակցությամբ)	4-րդ եռամսյակ	41	Խորհրդատվություն, փորձաքննություն
2.	«Շարժական կամ ժամանակավոր աշխատավայրերում աշխատողների անվտանգության և առողջության նվազագույն պահանջները սահմանելու մասին» համապատասխան իրավական ակտի նախագծի մշակում	1992թ. հունիսի 24-ի «Շարժական կամ ժամանակավոր աշխատավայրերում աշխատողների անվտանգության և առողջության ապահովման նվազագույն պահանջների մասին» թիվ 92/57 դիրեկտիվ	ՀՀ կառավարության կողմից լիազորված համապատասխան մարմին	4-րդ եռամսյակ	82	Խորհրդատվություն
3.	«Հղի և փոքր երեխա ունեցող կամ կրծքով կերակրող կանանց աշխատանքի անվտանգության և առողջության ապահովման պահանջների բարելավման մասին» համապատասխան իրավական ակտի նախագծի մշակում	1992թ. հոկտեմբերի 19-ի «Հղի և փոքր երեխա ունեցող կամ կրծքով կերակրող կանանց աշխատավայրում անվտանգության և առողջության ապահովման պահանջների բարելավումը խրախուսելու մասին» թիվ 92/85 դիրեկտիվ	ՀՀ կառավարության կողմից լիազորված համապատասխան մարմին	4-րդ եռամսյակ	35	Խորհրդատվություն, փորձաքննություն
4.	«Ծանր ֆիզիկական աշխատանք կատարող աշխատողների անվտանգության և առողջության նվազագույն պահանջները սահմանելու մասին» համապատասխան իրավական ակտի նախագծի մշակում	1990թ. մայիսի 29-ի «Ծանր ֆիզիկական աշխատանք կատարող աշխատողների մեջքի վնասման ռիսկի առկայության դեպքում նախատեսված անվտանգության և առողջության ապահովման նվազագույն պահանջների մասին» թիվ 90/269 դիրեկտիվ	ՀՀ կառավարության կողմից լիազորված համապատասխան մարմին	4-րդ եռամսյակ	30	Խորհրդատվություն, փորձաքննություն

ԸՆԴԱՄՆԸ			188			
2007						
5.	«Աշխատավայրում աշխատողների անվտանգության և առողջության վերաբերյալ ցուցանակների առկայության և նրանց կողմից օգտագործվող անհատական պաշտպանության միջոցների կիրառման անվտանգության և առողջության նվազագույն պահանջները սահմանելու մասին» ՀՀ կառավարության որոշման նախագծի մշակում	<ul style="list-style-type: none"> • 1989թ. նոյեմբերի 30-ի «Աշխատավայրում անվտանգության և առողջության ապահովման նվազագույն պահանջների կիրառումը աշխատողների կողմից օգտագործվող անհատական պաշտպանության միջոցների վերաբերյալ» թիվ 89/656 դիրեկտիվ • 1992թ. հունիսի 24-ի «Աշխատավայրում անվտանգության և առողջության վերաբերյալ ցուցանակների առկայության նվազագույն պահանջների մասին» թիվ 92/58 դիրեկտիվ 	ՀՀ աշխատանքի և սոցիալական հարցերի նախարարություն (ՀՀ առողջապահության նախարարության մասնակցությամբ)	1-ին եռամսյակ	170	Խորհրդատվություն, փորձաքննություն
6.	«Պայթյունավտանգ միջավայրում աշխատողների անվտանգության և առողջության ապահովման նվազագույն պահանջները սահմանելու մասին» ՀՀ կառավարության որոշման նախագծի մշակում	1992թ. դեկտեմբերի 16-ի «Պայթյունավտանգ միջավայրում աշխատողների անվտանգության և առողջության ապահովման նվազագույն պահանջների մասին» թիվ 1999/92 դիրեկտիվ	ՀՀ աշխատանքի և սոցիալական հարցերի նախարարություն (ՀՀ առողջապահության նախարարության և ՀՀ առևտրի և տնտեսական զարգացման նախարարության մասնակցությամբ)	1-ին եռամսյակ	51	Խորհրդատվություն, փորձաքննություն
7.	«Աշխատավայրում արտահայտչական էկրանների և աշխատանքային սարքավորումների հետ առնչվող աշխատողների անվտանգության և առողջության նվազագույն պահանջները սահմանելու մասին» համապատասխան իրավական ակտի նախագծի մշակում	<ul style="list-style-type: none"> • 1989թ. նոյեմբերի 30-ի «Աշխատանքային սարքավորումների հետ առնչվող աշխատողների անվտանգության և առողջության ապահովման նվազագույն պահանջների մասին» թիվ 89/655 դիրեկտիվ • 1990թ. մայիսի 29-ի «Աշխատավայրում արտահայտչական էկրաններով սարքավորումների հետ առնչվող աշխատողների անվտանգության և առողջության ապահովման նվազագույն պահանջների մասին» թիվ 90/270 	ՀՀ կառավարության կողմից լիազորված համապատասխան մարմին	2-րդ եռամսյակ	60	Խորհրդատվություն, փորձաքննություն

		դիրեկտիվ				
8.	«Վերգետնյա, ստորգետնյա, ինչպես նաև գայլիկոնային եղանակով արդյունահանող հանքարդյունաբերության աշխատողների անվտանգության և առողջության նվազագույն պահանջները սահմանելու մասին» համապատասխան իրավական ակտի նախագծի մշակում	<ul style="list-style-type: none"> • 1992թ. նոյեմբերի 3-ի «Գայլիկոնային եղանակով հանքարդյունահանող արդյունաբերության աշխատողների անվտանգության և առողջության նվազագույն պահանջներ սահմանելու մասին» թիվ 92/91 դիրեկտիվ • 1992թ. դեկտեմբերի 3-ի «Վերգետնյա և ստորգետնյա հանքարդյունահանող արդյունաբերության աշխատողների անվտանգության և առողջության նվազագույն պահանջներ սահմանելու մասին» թիվ 92/104 դիրեկտիվ 	ՀՀ կառավարության կողմից լիազորված համապատասխան մարմին	2-րդ եռամսյակ	110	Խորհրդատվություն, փորձաքննություն
9.	«Աշխատավայրում վտանգավոր նյութերի առկայության դեպքում հնարավոր վթարների կանխարգելման և վերահսկման մասին» ՀՀ կառավարության որոշման նախագծի մշակում	1996 թ. դեկտեմբերի 9-ի «Աշխատավայրում վտանգավոր նյութերի առկայության դեպքում հնարավոր վթարների կանխարգելման և վերահսկման մասին» թիվ 96/82 դիրեկտիվ	ՀՀ աշխատանքի և սոցիալական հարցերի նախարարություն (Հայաստանի փրկարար ծառայության մասնակցությամբ)	3-րդ եռամսյակ	135	Խորհրդատվություն, փորձաքննություն
10.	«Աշխատավայրում աղմուկի առկայության դեպքում, աշխատողների անվտանգության և առողջության ապահովման նվազագույն պահանջները սահմանելու մասին» համապատասխան իրավական ակտի նախագծի մշակում	2003թ. փետրվարի 6-ի «Աշխատավայրում աղմուկի առկայության դեպքում աշխատողների անվտանգության և առողջության ապահովման նվազագույն պահանջների մասին» թիվ 2003/10 դիրեկտիվ	ՀՀ կառավարության կողմից լիազորված համապատասխան մարմին	3-րդ եռամսյակ	24	Խորհրդատվություն,
11.	«Քիմիական նյութերի և արբեստի ազդեցությունից աշխատողների պաշտպանության և անվտանգության ապահովման նվազագույն պահանջները սահմանելու մասին» համապատասխան իրավական ակտի նախագծի մշակում	<ul style="list-style-type: none"> • 1998թ. ապրիլի 7-ի «Աշխատողների պաշտպանությունը և անվտանգության ապահովումը քիմիական նյութերի ազդեցությունից» թիվ 98/24 դիրեկտիվ • 1983թ. սեպտեմբերի 19-ի «Աշխատավայրում արբեստոսին առնչվող աշխատողների 	ՀՀ կառավարության կողմից լիազորված համապատասխան մարմին	4-րդ եռամսյակ	119	Խորհրդատվություն, փորձաքննություն

		պաշտպանության մասին» թիվ 83/477 դիրեկտիվ				
ԸՆԴԱՄՆԵՐ					669	
2008						
12.	«ՀՀ աշխատանքային օրենսգրքում փոփոխություններ և լրացումներ կատարելու մասին» ՀՀ օրենքի նախագծի մշակում	1994թ. հունիսի 22-ի «Երիտասարդ աշխատողների իրավունքների պաշտպանության մասին» թիվ 94/33 դիրեկտիվ	ՀՀ աշխատանքի և սոցիալական հարցերի նախարարություն	1-ին եռամսյակ	34	
13.	«Աշխատավայրում վտանգավոր քաղցկեղածին և փոփոխածին նյութերի հետ առնչվող աշխատողների պաշտպանության նվազագույն պահանջները սահմանելու մասին» համապատասխան իրավական ակտի նախագծի մշակում	2004թ. ապրիլի 29-ի «Աշխատավայրում վտանգավոր քաղցկեղածին և փոփոխածին (մուտագեն) նյութերի հետ առնչվող աշխատողների պաշտպանության մասին» թիվ 2004/37 դիրեկտիվ	ՀՀ կառավարության կողմից լիազորված համապատասխան մարմին	1-ին եռամսյակ	95	Խորհրդատվություն, փորձաքննություն
14.	«Իննացնող ճառագայթների աղբյուրների վտանգներից՝ աշխատողների և հանրության պաշտպանության մասին» ՀՀ օրենքի նախագծի մշակում	<ul style="list-style-type: none"> • 1996թ. մայիսի 13-ի «Իննացնող ճառագայթների աղբյուրների վտանգներից՝ աշխատողների և հանրության պաշտպանության համար սահմանված հիմնական կանոնների և նորմերի մասին» թիվ 96/29 դիրեկտիվ • 1990թ. դեկտեմբերի 4-ի «Իննացնող ճառագայթման վերահսկման տարածքում աշխատողների պաշտպանության մասին» թիվ 90/641 դիրեկտիվ 	ՀՀ աշխատանքի և սոցիալական հարցերի նախարարություն (ՀՀ առողջապահության նախարարության և ՀՀ բնապահպանության նախարարության մասնակցությամբ)	3-րդ եռամսյակ	192	Խորհրդատվություն, փորձաքննություն
15.	«Քիմիական բիոլոգիական և ֆիզիկական նյութերից աշխատողների պաշտպանության և նշված նյութերի սահմանային քանակները սահմանելու մասին» համապատասխան իրավական ակտի նախագծի մշակում	1991թ. մայիսի 29-ի «Քիմիական, բիոլոգիական և ֆիզիկական նյութերին առնչվող աշխատողների պաշտպանության և նշված նյութերի սահմանային արժեքները սահմանելու մասին» թիվ 91/322 դիրեկտիվ	ՀՀ կառավարության կողմից լիազորված համապատասխան մարմին	4-րդ եռամսյակ	15	Փորձաքննություն
ԸՆԴԱՄՆԵՐ					336	
2009						
16.	«Բարձր ռադիոակտիվ և չվերահսկվող աղբյուրների	2003թ. դեկտեմբերի 22-ի «Բարձր ռադիոակտիվ և չվերահսկվող	ՀՀ աշխատանքի և սոցիալական հարցերի	1-ին եռամսյակ	60	

ազդեցության կարգավորման մասին» ՀՀ կառավարության որոշման նախագծի մշակում	աղբյուրների ազդեցության կարգավորման մասին» թիվ 2003/122 դիրեկտիվ	նախարարություն (ՀՀ առողջապահության նախարարության և ՀՀ բնապահպանության նախարարության մասնակցությամբ)			
	ԸՆԴԱՄՆԸ			60	
	ԸՆԴԱՄՆԸ				1253

1.2 Ինստիտուցիոնալ կարողություններ

0	1	2	3	4
NN	Հաստատություն	Վերակազմակերպում	Վերապատրաստման կարիքներ	Տեխնիկական աջակցության կարիքներ
ը/կ				
1.	ՀՀ կառավարության կողմից լիազորված համապատասխան մարմին	ՀՀ կառավարության կողմից լիազորված մարմնում աշխատանքի անվտանգության և հիգիենայի կառուցվածքային ստորաբաժանման ստեղծում և(կամ) հզորացում	ԵՄ-ում աշխատողների անվտանգության և առողջության ապահովման միջոցառումների բարելավումը խրախուսելու վերաբերյալ դասընթաց (15 օր/2006)	Խորհրդատվություն, անձնակազմի համալրում, նյութատեխնիկական բազա
2.	<ul style="list-style-type: none"> ՀՀ աշխատանքի և սոցիալական հարցերի նախարարություն ՀՀ առողջապահության նախարարություն 	--	ԵՄ-ում կանանց և երիտասարդների աշխատանքի անվտանգության և առողջության ապահովման միջոցառումների վերաբերյալ դասընթաց (10 օր/2006)	Խորհրդատվություն
	<ul style="list-style-type: none"> ՀՀ աշխատանքի և սոցիալական հարցերի նախարարություն ՀՀ առողջապահության նախարարություն ՀՀ բնապահպանության նախարարություն 		ԵՄ-ում վտանգավոր քիմիական նյութերի, սպեստի և ադմոկի հետ առնչվող աշխատողների աշխատանքի անվտանգության և առողջության ապահովման վերաբերյալ դասընթաց (15 օր/2007թ.)	Խորհրդատվություն
	<ul style="list-style-type: none"> ՀՀ աշխատանքի և սոցիալական հարցերի նախարարություն ՀՀ առողջապահության նախարարություն 	-	ԵՄ-ում պայթուցիկ վտանգ միջավայրում և սարքավորումների հետ աշխատողների, ծանր ֆիզիկական աշխատանք կատարողների ու աշխատավայրում անհատական պաշտպանության միջոցների աշխատանքի անվտանգության և առողջության ապահովման միջոցառումների և էրգոնոմիկայի վերաբերյալ դասընթաց (20 օր/2007)	Խորհրդատվություն
5.	<ul style="list-style-type: none"> ՀՀ աշխատանքի և 		ԵՄ-ում հանքարդյունաբերության ոլորտի	Խորհրդատվություն

	<p>սոցիալական հարցերի նախարարություն</p> <ul style="list-style-type: none"> • ՀՀ առևտրի և տնտեսական զարգացման նախարարություն • ՀՀ բնապահպանության նախարարություն 	--	<p>աշխատողների անվտանգության և առողջության ապահովման միջոցառումների վերաբերյալ դասընթաց (10 օր/2007թ.)</p>	
	<ul style="list-style-type: none"> • ՀՀ աշխատանքի և սոցիալական հարցերի նախարարություն • ՀՀ առողջապահության նախարարություն 		<p>ԵՄ-ում վտանգավոր քաղցկեղածին և փոփոխածին նյութերի հետ առնչվող աշխատողների աշխատանքի անվտանգության և առողջության ապահովման վերաբերյալ դասընթաց (8 օր/2008)</p>	Խորհրդատվություն
4.	<ul style="list-style-type: none"> • ՀՀ աշխատանքի և սոցիալական հարցերի նախարարություն • Հայաստանի փրկարար ծառայություն 	--	<p>ԵՄ-ում աշխատավայրում վտանգավոր նյութերի առկայության դեպքում հնարավոր վթարների կանխարգելման և վերահսկման միջոցառումների բարելավման վերաբերյալ դասընթաց (10 օր/2008թ.)</p>	Խորհրդատվություն
6.	<p>ՀՀ կառավարության կողմից լիազորված համապատասխան մարմին</p>	<p>ՀՀ կառավարության կողմից լիազորված մարմին՝ աշխատանքի անվտանգության և հիգիենայի կառուցվածքային ստորաբաժանման ստեղծում և(կամ) հզորացում «Աշխատավայրում անվտանգության և առողջության ապահովման Եվրոպական գործակալություն ստեղծելու մասին» 1994թ. հուլիսի 18-ի թիվ 2062/94 դիրեկտիվի պահանջներին համապատասխան</p>	<p>Աշխատավայրում անվտանգության և առողջության ապահովման Եվրոպական գործակալության վերաբերյալ դասընթաց (10 օր/2008թ.)</p>	Խորհրդատվություն, անձնակազմի համալրում, նյութատեխնիկական բազա
3.	<ul style="list-style-type: none"> • ՀՀ աշխատանքի և սոցիալական հարցերի նախարարություն • ՀՀ առողջապահության նախարարություն • ՀՀ բնապահպանության նախարարություն 	--	<p>ԵՄ-ում ռադիոակտիվ աղբյուրների հետ առնչվող և իրենց նախաձեռնման ազդեցությանը ենթարկվող աշխատողների աշխատանքի անվտանգության և առողջության ապահովման վերաբերյալ դասընթաց (15 օր/2009թ.)</p>	Խորհրդատվություն

2 Ջբաղվածության իրավունք և աշխատանքի կազմակերպում

Ներածություն

Ջբաղվածության իրավունքի և աշխատանքի կազմակերպման բնագավառում ՀՀ օրենսդրությունը կրում է ընդհանուր բնույթ և հիմնականում չի համապատասխանում ԵՄ օրենսդրությանը:

Ջբաղվածության իրավունքի և աշխատանքի կազմակերպման բնագավառում ԵՄ օրենսդրությունը կարգավորում է աշխատողների իրավունքների պաշտպանությունը գործատուի սնանկացման, կազմակերպության վերակազմակերպման գործընթացներում, ինչպես նաև աշխատանքային պայմանագրից բխող պայմաններին պարտադիր գրավոր տեղեկանալու՝ աշխատողի իրավունքի պաշտպանությունը և աշխատաժամանակի կազմակերպման առողջության և անվտանգության նվազագույն պահանջների սահմանում: Նշված խնդիրները Հայաստանի Հանրապետությունում կարգավորվում են Աշխատանքային օրենսգրքով¹³, «Անվճարունակության (սնանկության) մասին»¹⁴, «Տրանսպորտի մասին»¹⁵ ՀՀ օրենքներով և այլ նորմատիվ իրավական ակտերով, որոնք, այնուամենայնիվ, ամբողջովին չեն նախատեսում ԵՄ օրենսդրության պահանջները:

Հիմք ընդունելով համեմատական վերլուծության արդյունքները՝ պետք է նշել, որ ՀՀ օրենսդրությունը չի համապատասխանում ԵՄ օրենսդրությանը աշխատողին գործատուի կողմից աշխատանքի պայմաններին պարտադիր ծանոթացման պահանջի և կարգի մասով, աշխատանքի պայմանների փոփոխման դեպքում համապատասխան տեղեկությունների գրավոր տրամադրման և այդ տեղեկությունների տրամադրման առավելագույն ժամկետների մասով, աշխատաժամանակի կազմակերպման համար առողջության և անվտանգության նվազագույն պահանջների մասով և այլն:

Բացի այդ, կազմակերպության վերակազմակերպման գործընթացում աշխատողների իրավունքները կարգավորվում են Աշխատանքային օրենսգրքի՝ ընդհանուր բնույթ կրող իրավական նորմերով, որոնք, ի տարբերություն համապատասխան ԵՄ իրավական ակտերի, չեն երաշխավորում առաջացող իրավահարաբերությունների մանրակրկիտ կարգավորումը:

Հիմնվելով համեմատական վերլուծության արդյունքների վրա՝ պետք է ընդգծել, որ «Անվճարունակության (սնանկության) մասին» ՀՀ օրենքը ապահովում է աշխատանքային պայմանագրից կամ հարաբերություններից բխող պահանջների բավարարումը, սակայն ի տարբերություն համապատասխան ԵՄ օրենքների՝ ՀՀ օրենսդրությունում բացակայում են գործատուի սնանկացման և երաշխավորողի ինստիտուտի հասկացությունները, ինչպես նաև դրանց հետ կապված օրենսդրական կարգավորման հստակ մեխանիզմները:

ՀՀ օրենսդրությամբ նախատեսված չէ տրանսպորտի ոլորտում աշխատողների իրավունքների պաշտպանության և աշխատանքի ու աշխատաժամանակի կազմակերպման հետ կապված իրավահարաբերությունների կարգավորումը:

Ծրագրի շրջանակներում նախատեսվում է մինչև 2009 թվականը «Ջբաղվածության իրավունք և աշխատանքի կազմակերպում» ենթազուխը ամբողջովին համապատասխանեցնել ԵՄ օրենսդրությամբ սահմանված պահանջներին:

2007 թվական

Հայաստանի Հանրապետությունում զբաղվածության իրավունքի և աշխատանքի կազմակերպման բնագավառի իրավահարաբերությունների կարգավորման և, մասնավորապես, աշխատաժամանակի կազմակերպման միջոցառումների բարելավման, կազմակերպության վերակազմակերպման դեպքում աշխատողների իրավունքների պաշտպանության նպատակով կմշակվի «ՀՀ աշխատանքային օրենսգրքում փոփոխություններ և լրացումներ կատարելու մասին» ՀՀ օրենքի նախագիծ՝ հիմք ընդունելով համապատասխանեցման ենթակա ԵՄ թիվ 2003/88 և 2001/23 դիրեկտիվների¹⁶ պահանջները:

ԵՄ թիվ 91/533 դիրեկտիվով¹⁷ նախատեսված դրույթները, որոնք առնչվում են աշխատողին գործատուի կողմից աշխատանքի պայմաններին պարտադիր ծանոթացման պահանջին և կարգին, աշխատանքի պայմանների փոփոխման դեպքում համապատասխան տեղեկությունների գրավոր

¹³ ՀՕ-124, 09.11.2004թ.:

¹⁴ ՀՕ-17, 17.12.2003թ.:

¹⁵ ՀՕ-201, 02.03.1998թ.:

¹⁶ 2003թ. նոյեմբերի 4-ի դիրեկտիվ թիվ 2003/88՝ «Աշխատաժամանակին առնչվող կազմակերպչական որոշ խնդիրների մասին» և 2001թ. մարտի 12-ի դիրեկտիվ թիվ 2001/23՝ «Կազմակերպության վերակազմակերպման դեպքում աշխատողների իրավունքների պաշտպանության մասին»:

¹⁷ 1991թ. հոկտեմբերի 14-ի դիրեկտիվ թիվ 91/533՝ «Աշխատանքային պայմանագրին կամ աշխատանքային հարաբերություններին առնչվող պայմաններն աշխատողին ներկայացնելու գործատուի պարտականության մասին»:

տրամադրմանը և այդ տեղեկությունների տրամադրման առավելագույն ժամկետներին համապատասխանեցնելու նպատակով կմշակվեն ՀՀ աշխատանքային օրենսգրքում և «Բնակչության զբաղվածության մասին» ՀՀ օրենքում փոփոխություններ և լրացումներ կատարելու մասին օրենքների նախագծեր:

ԵՄ թիվ 450/2003 դիրեկտիվի¹⁸ աշխատուժի արժեքի համաթվի հաշվարկման օրենսդրական կարգավորման մասին դրույթները առկա չեն ՀՀ օրենսդրությունում: Այդ օրենսդրական բացը լրացնելու նպատակով կմշակվի «Աշխատուժի արժեքի համաթվի մասին» օրենքի նախագիծ:

2008 թվական

Այս փուլում զբաղվածության իրավունքի և աշխատանքի կազմակերպման բնագավառում ՀՀ օրենսդրության համապատասխանեցման գործընթացի նպատակն է գործատուի սնանկացման դեպքում աշխատողների իրավունքների պաշտպանության մեխանիզմների և ճանապարհային տրանսպորտի ոլորտի աշխատողների աշխատաժամանակի կազմակերպման առողջության և անվտանգության նվազագույն պահանջների սահմանումը, որի համար կմշակվեն «Գործատուի անվճարունակության (սնանկացման) դեպքում աշխատողների սոցիալական պաշտպանության մասին» օրենքի և «Ճանապարհային տրանսպորտի ոլորտում աշխատողների աշխատաժամանակի կազմակերպման մասին» ՀՀ կառավարության որոշման նախագծեր՝ հիմք ընդունելով ԵՄ թիվ 80/987 և 2002/15 դիրեկտիվները¹⁹:

2009 թվական

Հայաստանի Հանրապետությունում տրանսպորտի համակարգում աշխատողների սոցիալական պաշտպանության իրավական կարգավորման մեխանիզմների կատարելագործման համար կմշակվի «Տրանսպորտային համակարգում աշխատողների սոցիալական պաշտպանության մասին» օրենքի նախագիծ՝ ԵՄ թիվ 3820/85 դիրեկտիվի²⁰ պահանջներին համապատասխան:

¹⁸ 2003թ. փետրվարի 27-ի դիրեկտիվ թիվ 450/2003՝ «Աշխատուժի արժեքի համաթվի մասին»:

¹⁹ 1980թ. հոկտեմբերի 20-ի դիրեկտիվ թիվ 80/987՝ «Գործատուի անվճարունակության դեպքում աշխատողների պաշտպանության վերաբերյալ ԵՄ անդամ պետություններում գործող իրավական ակտերի մոտարկման մասին» և 2002թ. մարտի 11-ի դիրեկտիվ թիվ 2002/15՝ «Շարժական ճանապարհային տրանսպորտով զբաղվող անձանց աշխատաժամանակի կազմակերպման մասին»:

²⁰ 1985թ. դեկտեմբերի 20-ի դիրեկտիվ թիվ 3820/85՝ «Տրանսպորտային համակարգին առնչվող սոցիալական օրենսդրության համապատասխանեցման մասին»:

2.1 Օրենսդրական համապատասխանեցում

0	1	2	3	4	5	6
NN ը/կ	Միջոցառում	ԵՄ իրավական աղբյուր	Պատասխանատու մարմին	Նեկայացման ժամկետ	Անհրաժեշտ ռեսուրսներ (մարդ/օր)	Տեխնիկական աջակցություն
			2007			
1.	«ՀՀ աշխատանքային օրենսգրքում փոփոխություններ և լրացումներ կատարելու մասին» ՀՀ օրենքի նախագծի մշակում	2003թ. նոյեմբերի 4-ի «Աշխատաժամանակին առնչվող կազմակերպչական որոշ խնդիրների մասին» թիվ 2003/88 դիրեկտիվ	ՀՀ աշխատանքի և սոցիալական հարցերի նախարարություն	1-ին եռամսյակ	53	Խորհրդատվություն
2.	<ul style="list-style-type: none"> «ՀՀ աշխատանքային օրենսգրքում փոփոխություններ և լրացումներ կատարելու մասին» օրենքի նախագծի մշակում «Բնակչության զբաղվածության մասին» ՀՀ օրենքում փոփոխություններ և լրացումներ կատարելու մասին օրենքի նախագծի մշակում 	1991թ. հոկտեմբերի 14-ի «Աշխատանքային պայմանագրին կամ աշխատանքային հարաբերություններին առնչվող պայմաններն աշխատողին ներկայացնելու, գործատուի պարտականության մասին» թիվ 91/533 դիրեկտիվ	ՀՀ աշխատանքի և սոցիալական հարցերի նախարարություն	1-ին եռամսյակ	15	
3.	ՀՀ աշխատանքային օրենսգրքում փոփոխություններ և լրացումներ կատարելու մասին օրենքի նախագծի մշակում	2001թ. մարտի 12-ի «Կազմակերպության վերակազմակերպման դեպքում աշխատողների իրավունքների պաշտպանության մասին» թիվ 2001/23 դիրեկտիվ	ՀՀ աշխատանքի և սոցիալական հարցերի նախարարություն (ՀՀ արդարադատության նախարարություն)	2-րդ եռամսյակ	44	Խորհրդատվություն, փորձաքննություն
4.	«Աշխատուժի արժեքի համաթվի մասին» ՀՀ օրենքի նախագծի մշակում	2003թ. փետրվարի 27-ի «Աշխատուժի արժեքի համաթվի մասին» թիվ 450/2003 դիրեկտիվ	ՀՀ աշխատանքի և սոցիալական հարցերի նախարարություն (ՀՀ ազգային վիճակագրական ծառայություն)	2-րդ եռամսյակ	29	Խորհրդատվություն,
ԸՆԴԱՄՆԵԸ					141	
			2008			
5.	«Ճանապարհային տրանսպորտի ոլորտում աշխատողների աշխատաժամանակի կազմակերպման մասին» ՀՀ	2002թ. մարտի 11-ի «Շարժական ճանապարհային տրանսպորտով զբաղվող անձանց աշխատաժամանակի	ՀՀ աշխատանքի և սոցիալական հարցերի նախարարություն (ՀՀ տրանսպորտի և կապի	1-ին եռամսյակ	18	Խորհրդատվություն, փորձաքննություն

	կառավարության որոշման նախագծի մշակում	կազմակերպման մասին» թիվ 2002/15 դիրեկտիվ	նախարարություն)			
6.	«Գործատուի անվճարունակության (սնանկացման) դեպքում աշխատողների սոցիալական պաշտպանության մասին» ՀՀ օրենքի նախագծի մշակում	1980թ. հոկտեմբերի 20-ի «Գործատուի անվճարունակության դեպքում աշխատողների պաշտպանության վերաբերյալ ԵՄ անդամ պետություններում գործող իրավական ակտերի մոտարկման մասին» թիվ 80/987 դիրեկտիվ	ՀՀ աշխատանքի և սոցիալական հարցերի նախարարություն (ՀՀ արդարադատության նախարարություն)	2-րդ եռամսյակ	15	Խորհրդատվություն, փորձաքննություն
ԸՆԴԱՄԵՆԸ					33	
2009						
7.	«Տրանսպորտային համակարգում աշխատողների սոցիալական պաշտպանության մասին» ՀՀ օրենքի նախագծի մշակում	1985թ. դեկտեմբերի 20-ի «Տրանսպորտային համակարգին առնչվող սոցիալական օրենսդրության համապատասխանեցման մասին» թիվ 3820/85 դիրեկտիվ	ՀՀ աշխատանքի և սոցիալական հարցերի նախարարություն (ՀՀ տրանսպորտի և կապի նախարարություն)	1-ին եռամսյակ	38	Խորհրդատվություն, փորձաքննություն
ԸՆԴԱՄԵՆԸ					38	
ԸՆԴԱՄԵՆԸ					212	

2.2 Ինստիտուցիոնալ կարողություններ

0	1	2	3	4
NN ը/կ	Հաստատություն	Վերակազմակերպում	Վերապատրաստման կարիքներ	Տեխնիկական աջակցության կարիքներ
1.	ՀՀ աշխատանքի և սոցիալական հարցերի նախարարություն	ՀՀ աշխատանքի և սոցիալական հարցերի նախարարության աշխատանքի և սոցիալական հետազոտությունների ազգային ինստիտուտի վերակազմակերպման նապատակով՝ «Աշխատանքի և սոցիալական հետազոտությունների ազգային ինստիտուտ ստեղծելու մասին» ՀՀ կառավարության 2002 թ. օգոստոսի 22-ի թիվ 1405-Ն որոշման մեջ փոփոխություններ և լրացումներ կատարելու մասին կառավարության որոշման նախագծի մշակում «Կյանքի և աշխատանքային պայմանների բարելավման Եվրոպական հիմնադրամ ստեղծելու մասին» 1975թ. մայիսի 26-ի թիվ 1365/75 (ԵՀ) Խորհրդի կանոնակարգի պահանջներին համապատասխան	ԵՄ-ում աշխատաժամանակին առնչվող որոշ խնդիրների և աշխատանքային հարաբերություններին առնչվող պայմաններին աշխատողին ներկայացնելու գործատուի պարտականության վերաբերյալ դասընթաց (15 օր/2007) Կյանքի և աշխատանքային պայմանների բարելավման Եվրոպական հիմնադրամի վերաբերյալ դասընթաց (15 օր/2007)	Խորհրդատվություն, անձնակազմի համալրում, նյութատեխնիկական բազա
2.	<ul style="list-style-type: none"> ՀՀ աշխատանքի և սոցիալական հարցերի նախարարություն ՀՀ ազգային վիճակագրական ծառայություն 	--	ԵՄ-ում աշխատուժի արժեքի համաթվի վերաբերյալ դասընթաց (10 օր/2007)	Խորհրդատվություն
3.	<ul style="list-style-type: none"> ՀՀ աշխատանքի և սոցիալական հարցերի նախարարություն ՀՀ արդարադատության նախարարություն 	Գործատուի անվճարունակության կամ սնանկացման դեպքում աշխատողների վարձատրության երաշխավորման հիմնադրամի ստեղծում «Գործատուի անվճարունակության դեպքում աշխատողների պաշտպանության վերաբերյալ ԵՄ անդամ պետություններում գործող իրավական ակտերի մոտարկման մասին» 1980թ. հոկտեմբերի 20-ի թիվ 80/987 դիրեկտիվի պահանջներին համապատասխան	ԵՄ-ում գործատուի անվճարունակության (սնանկացման) և կազմակերպության վերակազմակերպման դեպքում աշխատողների վարձատրության իրավունքի պաշտպանության վերաբերյալ դասընթաց (2008)	Խորհրդատվություն, նախնական փորձաքննություն, անձնակազմի համալրում, նյութատեխնիկական բազա
4.	<ul style="list-style-type: none"> ՀՀ աշխատանքի և սոցիալական հարցերի նախարարություն ՀՀ տրանսպորտի և կապի նախարարություն 	--	ԵՄ-ում տրանսպորտի ոլորտի աշխատողների սոցիալական պաշտպանության վերաբերյալ դասընթաց (10 օր/2009)	Խորհրդատվություն

1.3 Տղամարդկանց և կանանց միջև հավասարություն

Ներածություն

Տղամարդկանց և կանանց միջև հավասարության մասին ԵՄ օրենսդրության դրույթները հիմնականում նախատեսված չեն ՀՀ օրենսդրությամբ: ԵՄ-ում տղամարդկանց և կանանց միջև հավասարության սկզբունքի բնագավառն ընդգրկում է կանանց և տղամարդկանց համահավասարության սկզբունքի կիրառումը, ինչպես նաև գյուղատնտեսության ու այլ ոլորտներում ինքնագրադաված կանանց իրավունքների պաշտպանությունը: Նշված իրավահարաբերությունները Հայաստանի Հանրապետությունում հիմնականում կարգավորվում են Աշխատանքային օրենսգրքով²¹, որի դրույթները, այնուամենայնիվ, չեն նախատեսում ԵՄ օրենսդրության պահանջները:

Հիմք ընդունելով համեմատական վերլուծության արդյունքները՝ պետք է նշել, որ ՀՀ օրենսդրությունում առկա չեն աշխատանքի ընդունվելու, մասնագիտական ուսուցում ստանալու, պաշտոնեական առաջխաղացման ժամանակ տղամարդկանց և կանանց միջև հավասար աշխատանքային իրավունքների ապահովման օրենսդրական մեխանիզմները, ինքնագրադավածության հասկացությունը և տնտեսավարման այդ ոլորտում տղամարդկանց և կանանց միջև հավասար վերաբերմունքի ապահովման վերաբերյալ դրույթները:

Ծրագրի շրջանակներում նախատեսվում է մինչև 2009 թվականը «Տղամարդկանց և կանանց միջև հավասարություն» ենթագլուխը ամբողջովին համապատասխանեցնել ԵՄ օրենսդրությամբ սահմանված պահանջներին:

2007 թվական

Աշխատանքային հարաբերություններում սեռական համահավասարության սկզբունքի կիրառման իրավական կարգավորման բացը լրացնելու համար կմշակվի «Աշխատանքային հարաբերություններում սեռական համահավասարության սկզբունքի կիրառումը ապահովելու մասին» օրենքի նախագիծը՝ «Կանանց և տղամարդկանց համահավասարության սկզբունքի կիրառումը աշխատանքի ընդունվելու, մասնագիտական վերապատրաստում ստանալու, պաշտոնում առաջ գնալու և աշխատանքային հավասար պայմանների իրավունքի նկատմամբ» 1976թ. փետրվարի 9-ի թիվ 76/207 դիրեկտիվի պահանջներին համապատասխան:

2008 թվական

Գյուղատնտեսության և այլ ոլորտներում ինքնագրադաված կանանց և տղամարդկանց հանդեպ հավասար վերաբերմունքի սկզբունքի ապահովման իրավական կարգավորման բացը լրացնելու նպատակով կմշակվի «ՀՀ աշխատանքային օրենսգրքում փոփոխություններ և լրացումներ կատարելու մասին» օրենքի նախագիծ՝ ԵՄ թիվ 86/613 դիրեկտիվի²² պահանջներին համապատասխան:

2009 թվական

Պետության ծրագրերում գենդերային հավասարության ապահովման նպատակով կմշակվի գենդերային հավասարության ապահովման մասին ՀՀ կառավարության որոշման նախագիծ՝ ԵՄ թիվ 806/2004 կանոնակարգի²³ պահանջներին համապատասխան:

²¹ ՀՕ-124, 09.11.2004թ.:

²² 1986թ. դեկտեմբերի 11-ի դիրեկտիվ թիվ 86/613՝ «Գյուղատնտեսության և այլ ոլորտներում ինքնագրադաված կանանց և տղամարդկանց հանդեպ հավասար վերաբերմունքի սկզբունքի կիրառման և հղիության ու մայրության ընթացքում ինքնագրադաված կանանց պաշտպանության մասին»:

²³ 2004թ. ապրիլի 21-ի կանոնակարգ թիվ 806/2004՝ «Ձարգացման համագործակցության շրջանակներում գենդերային հավասարության ապահովման մասին»:

1.3.1 Օրենսդրական համապատասխանեցում

0	1	2	3	4	5	6
NN ը/կ	Միջոցառում	ԵՄ իրավական աղբյուր	Պատասխանատու մարմին	Նեկայացման ժամկետ	Անհրաժեշտ ռեսուրսներ (մարդ/օր)	Տեխնիկական աջակցություն
			2007			
1.	«Աշխատանքային հարաբերություններում սեռական համահավասարության սկզբունքի կիրառումն ապահովելու մասին» ՀՀ օրենքի նախագծի մշակում	1976թ. փետրվարի 9-ի «Կանանց և տղամարդկանց համահավասարության սկզբունքի կիրառումը աշխատանքի վարձվելու, մասնագիտական վերապատրաստում ստանալու, պաշտոնում առաջ գնալու և աշխատանքային հավասար պայմանների իրավունքի նկատմամբ» թիվ 76/207 դիրեկտիվ	ՀՀ աշխատանքի և սոցիալական հարցերի նախարարություն	1-ին եռամսյակ	18	Խորհրդատվություն
ԸՆԴ-ԱՄՇՆԸ					18	
			2008			
2	«ՀՀ աշխատանքային օրենսգրքում փոփոխություններ և լրացումներ կատարելու մասին» ՀՀ օրենքի նախագծի մշակում	1986թ. դեկտեմբերի 11-ի «Գյուղատնտեսության և այլ ոլորտներում ինքնազբաղված կանանց և տղամարդկանց հանդեպ հավասար վերաբերմունքի սկբունքի կիրառման և հղիության ու մայրության ընթացքում ինքնազբաղված կանանց պաշտպանության մասին» թիվ 86/613 դիրեկտիվ	ՀՀ աշխատանքի և սոցիալական հարցերի նախարարություն	2-րդ եռամսյակ	15	Խորհրդատվություն
ԸՆԴ-ԱՄՇՆԸ					15	
			2009			
3.	«Գենդերային հավասարության ապահովման մասին» ՀՀ կառավարության որոշման նախագծի մշակում	2004թ. ապրիլի 21-ի «Ձարգացման համագործակցության շրջանակներում գենդերային հավասարության ապահովման մասին» թիվ 806/2004 կանոնակարգ	ՀՀ աշխատանքի և սոցիալական հարցերի նախարարություն	1-ին եռամսյակ	21	--
ԸՆԴ-ԱՄՇՆԸ					21	
ԸՆԴ-ԱՄՇՆԸ					54	

1.3.2 Ինստիտուցիոնալ կարողություններ

NN ը/կ	Հաստատություն	Վերակազմակերպում	Վերապատրաստման կարիքներ	Տեխնիկական աջակցության կարիքներ
1.	ՀՀ աշխատանքի և սոցիալական հարցերի նախարարություն	--	ԵՄ-ում կանանց և տղամարդկանց համահավասարության սկզբունքի կիրառումը ապահովող միջոցառումների վերաբերյալ դասընթաց (10 օր/2007)	Խորհրդատվություն, նախնական փորձաքննություն

1.4 Սոցիալական երկխոսություն

Ներածություն

Սոցիալական երկխոսության բնագավառում ՀՀ օրենսդրությունը հիմնականում չի համապատասխանում ԵՄ երկրորդային օրենսդրությանը, քանի որ ունի կարգավորման առավել ընդհանուր բնույթ: Այս բնագավառում ԵՄ օրենսդրությունը նախատեսում է աշխատողներին կամ նրանց ներկայացուցիչներին տեղեկատվություն և խորհրդատվություն տրամադրելու գործատուի պարտականությունը, ինչը լիովին չի կարգավորվում ՀՀ օրենսդրությամբ:

Հիմք ընդունելով համեմատական վերլուծության արդյունքները՝ պետք է նշել, որ ՀՀ օրենսդրությունում առկա չեն գործատուների և աշխատողների միջև աշխատանքային հարաբերությունների վերաբերյալ տեղեկությունների փոխանցման գործընթացում աշխատողների ներկայացուցիչների և հատուկ փորձագետների ընդգրկման պայմանները և մեխանիզմները:

ՀՀ օրենսդրությունում առկա չեն նաև գործատուների և աշխատողների կամ նրանց ներկայացուցիչների միջև աշխատանքային հարաբերությունների վերաբերյալ տեղեկությունների տրամադրման այն պայմանները, որոնք առնչվում են համագործակցության սկզբունքին, փոխադարձ իրավունքների և պարտականությունների ընդունմանը, ինչպես նաև վերոնշյալ գործընթացում ծագած փոխադարձ շահերին: Չնայած ՀՀ օրենսդրությունում նախատեսված է սոցիալական գործընկերություն հասկացությունը, բացակայում է տեղեկությունների տրամադրման կարգը:

Ծրագրի շրջանակներում նախատեսվում է մինչև 2007 թվականը «Սոցիալական երկխոսություն» ենթագլուխն ամբողջովին համապատասխանեցնել ԵՄ օրենսդրությամբ սահմանված պահանջներին:

2007 թվական

Գործատուների կողմից աշխատողներին կամ նրանց ներկայացուցիչներին տեղեկատվություն և խորհրդատվություն տրամադրելու կարգի հաստատման նպատակով կմշակվի «Գործատուների կողմից աշխատողներին կամ նրանց ներկայացուցիչներին տեղեկատվություն և խորհրդատվություն տրամադրելու մասին» ՀՀ կառավարության որոշման նախագիծ՝ ԵՄ թիվ 2002/14 դիրեկտիվի²⁴ պահանջներին համապատասխան:

²⁴ 2002թ. մարտի 11-ի դիրեկտիվ թիվ 2002/14՝ «ԵՄ-ում գործատուների տեղեկատվություն և խորհրդատվություն տրամադրելու վերաբերյալ ընդհանուր շրջանակներ ստեղծելու մասին»:

1.4.1 Օրենսդրական համապատասխանեցում

0	1	2	3	4	5	6
NN	Միջոցառում	ԵՄ իրավական աղբյուր	Պատասխանատու մարմին	Նեկայացման ժամկետ	Անհրաժեշտ ռեսուրսներ (մարդ/օր)	Տեխնիկական աջակցություն
			2007			
1.	«Գործատուների կողմից աշխատողներին կամ նրանց ներկայացուցիչներին տեղեկատվություն և խորհրդատվություն տրամադրելու մասին» ՀՀ կառավարության որոշման նախագծի մշակում	2002թ. մարտի 11-ի «ԵՄ-ում գործատուների տեղեկատվություն և խորհրդատվություն տրամադրելու վերաբերյալ ընդհանուր շրջանակներ ստեղծելու մասին» թիվ 2002/14 դիրեկտիվ	ՀՀ աշխատանքի և սոցիալական հարցերի նախարարություն	2-րդ եռամսյակ	15	Խորհրդատվություն
ԸՆԴԱՄՆԸ					15	

1.4.2 Ինստիտուցիոնալ կարողություններ

0	1	2	3	4
NN	Հաստատություն	Վերակազմակերպում	Վերապատրաստման կարիքներ	Տեխնիկական աջակցության կարիքներ
1.	ՀՀ աշխատանքի և սոցիալական հարցերի նախարարություն	--	Գործատուների կողմից աշխատողներին կամ նրանց ներկայացուցիչներին տեղեկատվություն և խորհրդատվություն տրամադրելու վերաբերյալ դասընթաց (5 օր/2007թ.)	Խորհրդատվություն, նախնական փորձաքննություն